

Ilinniartissuup aqunneqarnera pillugu Namminersornerullutik Oqartussat nalunaarutaat

Meeqqat atuarfianni ilinniartitsisussanik ilinniartitsineq pillugu Inatsisartut peqqussutaanni nr. 2-mi, 2. maj 1996-imeersumi §§ 19-20 naapertorlugit Inatsisartut peqqussutaannilu nr. 2-mi, 31. maj 2001-imeersumi allanngortinneqartumi aalajangersarneqarpog:

Ilinniartitaanermut Pisortaqarfik

§ 1. Ilinniartitaanermut Pisortaqarfik ilinniartitsisutut ilinniartitaanermut siunnersuisoqatigiinnik pilersitsissaaq, taakku ilinniartitaanernut tunngasutigut ingerlatsinerup ineriartornera aammalu inuiaqatigiinni ineriartorneq tamaat malinnaaffigissavaat, taamaalillutik. Ilinniartitaanermut Pisortaqarfup meeqqat atuarfianni ilinniartitsisutut ilinniarsimasunut aammalu ilinniartitsisutut ilinniartitaanerup ineriartortinneqarsinnaaneranut piumasaqaatit allanngorartut pillugit ataavartumik siunnersorsinnaajumallugu.

Imm. 2. Ilinniartitsisutut ilinniartitaanermut siunnersuisoqatigiit ilinniartitsisutut ilinniartitaaneq pillugu apeqqutit pillugit Ilinniartitaanermut Pisortaqarfimmik siunnersuisuussapput aammalu makku pillugit Ilinniartitaanermut Pisortaqarfimmut inassuteqartartuussallutik:

- 1) Ilinniartissuup ilinniartitsinerani ilinniartitaanermut aaqqissuussaq.
- 2) Ilinniartissuup ilinniartitseqqittarnernut tunngatillugu ingerlatsinera.
- 3) Ilinniartissuup illuutaata allanngortiternera nutarterneqarneralu.
- 4) Ilinniartitaanermi pinngitsoorani peqataanissamut malittarisassanik aqutsineq.
- 5) Ilinniartissuup rektorissaanik atorfnitsitsineq.
- 6) Ilinniartissuarmi ilinniartitsisut qanoq ilinniagaqarsimanissaannik aalajangersaaneq.
- 7) Ilinniartissuup aqunneqarnerata aaqqissuussaanerani, aqutsisuini mellemlederiini allannguisoqassatillugu.
- 8) Ilinniartitsissutissat pillugit ataatsimiititaliap inuttalersorneqarnerani avataaniillu naliliisoqarnermi toqqammavissat.

Imm. 3. Ilinniartitaanermut Pisortaqarfik siunnersuisoqatigiinnik inuttalersuissaaq, siunnersuisoqatigiit suleriaasissaannik aalajangersaasassaaq siunnersuisoqatigiillu atuunnerat pillugu erseqqinnerusunik malittarisassiussalluni.

Rektor

§ 2. Ilinniartissuup rektorimit ilinniartimmi allaffissornikkut aqutsinermik, perorsaanermik aningaasaqarnermillu akisussaaffeqartumit aqunneqassaaq.

Imm. 2. Rektor Ilinniartissuup ukiup ingerlanerani ingerlanneqarnera pillugu ilinniartitsisutut

ilinniartitaanermut siunnersuisoqatigiinnut ukiumoortumik allakkatigut nalunaarusiortassaaq.

Nalunaarusiaq Ilinniartitaanermut Pisorta qarfimmu ilisimatitsissutitut nassiunneqartassaaq.

§ 3. Rektor suliaassani siunnersuisoqatigiinni ataatsimiititalianilu suliarineqartussatut utaqqisinnerqarsinnaanngitsuni aalajangiisassaaq, tak. § 6, § 8 aamma § 10. Aalajangiinerit taamaattut piaartumik siunnersuisoqatigiinnut ataatsimiititalianulluunniit suliarinnittussaagaluanut saqqummiunneqartassapput.

§ 4. Rektor ilinniartitsisutut ilinniartitaanermut siunnersuisoqatigiinni ilinniartitsinermilu siunnersuisoqatigiinni peqataasassaaq aammalu siunnersuisoqatigiit ataatsimiititaliallu allat tamaasa ataatsimiinnerini peqataasinnaalluni.

Ilinniartitsineri siunnersuisoqatigiit

§ 5. Rektor ilinniartitsisutut ilinniartitaanermut ilinniartitsineri siunnersuisoqatigiinnik pilersitsissaaq. Ilinniartitsineri siunnersuisoqatigiit inuttaat tassaassapput ilinniartitaanermi pisorta, ilinniaqatigiinni tamani sinniisuutitaq ataaseq ilinniartitsisuniillu sinniisut aamma taamak amerlatigisut.

Imm. 2. Sinniisuutitat gruppinit sinnikkanit taakkulu akornannit toqqarneqartassapput.

Imm. 3. Siulittaasoq ilinniartitsineri siunnersuisoqatigiinni ilaasortat tamarmiusut akornanni toqqarneqassaaq.

Imm. 4. Siunnersuisoqatigiit suleriaasissartik namminneq aalajangersassavaat.

§ 6. Ilinniartitsineri siunnersuisoqatigiit suliaassat ilinniartitaanermut attuumassutillit rektorimut aalajangigassanngorlugit inassutigisassavaat, tassunga ilanngullugit:

- 1) Aalajangersimasumik qulequtaqartitsilluni sammisaqartitsineq naammassiniagaqartitsinerlu.
- 2) Ataatsimut aqqissuussat.
- 3) Pissuserissaarnissami malittarisassat.
- 4) Ilinniarnermut atatillugu aallaarsimaarnerit.
- 5) Paasisassarsiorluni angalaarnerit.
- 6) Ilinniarnermut atatillugu angalanerit.
- 7) Pikkorissartitsinerit.
- 8) Nammineq piumassuseq atorlugu ilinniartitsineq.
- 9) Ilinniarnermi peqataanissamut malittarisassat.
- 10) Ilinniartuujunnaarsitsineri malittarisassat.

Ilinniartitsisut siunnersuisoqatigiivi

§ 7. Ilinniartitsisut siunnersuisoqatigiivi tassaapput ilinniartitsisut, timelærerit vikarillu atorfeqavissut tamarmik.

Imm. 2. Siunnersuisoqatigiit suleriaasissartik namminneq aalajangersassavaat.

§ 8. Ilinniartitsisut siunnersuisoqatigiivisa suliaassat perorsaanermut attuumassutillit rektorimut aalajangigassanngorlugit inassutigisassavaat, tassunga ilanngullugit:

- 1) Atorfiit immikkut ittut suliffiullu iluani suliaassat inuttassarsiorneqarneri.
- 2) Ilinniartitsissutit tiimillu agguarneqarnissaannut pilersaarutit.
- 3) Ilinniartut ilinniarnernup immikkoortuanut tulluuttumut ingerlateqqinneqartarneri.
- 4) Ilinniartunik soraarummeertussatut inassutiginerit.
- 5) Suliaassat immikkut akuersissutigisassat.

- 6) Ilinniarnernup immikkoortuini pilersaarutit.
- 7) Ilinniarnermik aaqqissuussineq.
- 8) Killissarititassatut pilersaarut.
- 9) Misiligutaasumik ilinniartitsineq.

Ilinniartut siunnersuisoqatigiivi

§ 9. Ilinniartut siunnersuisoqatigiivini pilersitsinissaq rektorip qulakkiissavaa.

Imm. 2. Siunnersuisoqatigiit suleriaasissartik namminneq aalajangersassavaat.

Sulineramik sungiusarnermut ataatsimiititaliaq

§ 10. Rektor sulineramik sungiusarnermut ataatsimiititaliamik pilersitsissaaq aammalu ataatsimiititaliap inuttalersugaanissaa suliaasaalu pillugit erseqqinnerusunik aalajangersagaliussalluni.

Atortuulersitsinermi atorunnaarsitsinermilu aalajangersakkat

§ 11. Nalunaarut ulloq 1. juni 2002-mi atuutilissaaq.

Imm. 2. Tamatumunnga peqatigitillugu Ilinniarfissuarmi rådit, ataatsimiititaliat il.il. pillugit

Namminersornerullutik Oqartussat nalunaarutaat nr. 24, 8. juli 1991-imeersoq atorunnaarsinneqarpoq.

Namminersornerullutik Oqartussat, 29. april 2002.

Lise Lennert

/

Karl Kristian Olsen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut

